

木板王注楚辭

(一)

林足齋

楚辭目錄

班孟堅云始楚賢臣屈原被讒放流作離騷諸賦以自傷悼後有宋玉唐勒之屬纂而述之皆以顯名漢興高祖王兄子濞於吳招致天下娛游子弟枚乘鄒陽嚴夫子之徒興於文景之際而淮南王安都壽春招賓客著書而吳有嚴助朱買臣貴顯漢朝故世傳楚辭

漢護左都水使者光祿大夫臣劉向集

後漢校書郎臣王逸章句

一本云校書郎中後漢文苑傳云逸

字叔師南郡宜城人元初中舉上計吏為校書郎順帝時為侍中著楚辭章句行於世

離騷經第一

屈原

釋文第一無經字

九歌第二

釋文第三

一本九歌至九思下皆有傳字

天問第三

釋文第四

九章第四

釋文第五

遠遊第五

釋文第六

卜居第六

釋文第七

漁父第七

釋文第八

九辯第八

宋玉
釋文第二

招魂第九

釋文第十

大招第十

屈原或言景差
釋文第十六

惜誓第十一

賈誼
釋文第十五

招隱士第十二

淮南小山
釋文第九

七諫第十三

東方朔
釋文第十二

哀時命第十四

嚴忌
釋文第十四

九懷第十五

王褒
釋文第十一

九歎第十六

劉向
釋文第十三

九思第十七

王逸
釋文第十七

按九章第四九辯第八而王

逸九章注云皆解於九辯中

楚辭目錄
知釋文篇第蓋舊本也後人
始以作者先後次敘之爾鮑
欽止云辨騷非楚詞本書不
當錄班孟堅二序舊在天問
九歎之後今附于第一通之
末云

楚辭卷第一

隋唐書志有皇甫遵訓參解楚辭
七卷郭璞注十卷宋處士諸葛楚
辭音一卷劉香草木蟲魚疏二卷
孟輿音一卷徐邈音一卷始漢武
帝命淮南王安為離騷傳其書今
亡按屈原傳云國風好色而不淫
小雅怨誹而不亂若離騷者可謂
兼之矣又曰蟬蛻於濁穢以浮游
塵埃之外不獲世之滋垢皜然泥
而不滓推此志雖與日月爭光可
也班孟堅劉勰皆以為淮南王語
豈太史公取其語以作傳乎漢宣
帝時九江被公能為楚詞隋有僧
道騫者善讀之能為楚聲音韻清
切至唐傳楚辭者
皆祖騫公之音

離騷經章句第一

離騷

校書郎臣王逸上

曲阿洪興祖補注

離騷經者屈原之所作也屈原與楚同
姓仕於懷王爲三閭大夫三閭之職掌

王族三姓曰昭屈景

戰國策楚有昭奚恤元和姓纂云屈楚公族芊姓之

後楚武王子瑕食采於屈因氏焉屈重屈蕩屈建屈平並其後又云景芊姓楚有景差漢徙大族昭屈景
三姓於屈原序其譜屬率其賢良以厲國

關中士入則與王圖議政事決定嫌疑出則
監察羣下應對諸侯謀行職修王甚珍

之同列大夫上官靳尚妒害其能其譖

毀之

史記曰上官大夫與之同列又曰用事臣靳尚

王乃疏屈原

疏一作逐

屈原執履忠貞而被讒袞

一作邪

憂心煩亂

不知所愬乃作離騷經離別也騷愁也

經徑也言已放逐離別中心愁思猶依

道徑

一云陳直徑一云陳道徑

以風諫君也

太史公曰離騷者猶離憂也班孟堅

曰離猶遭也明已遭憂作辭也顏師古云憂動曰騷余按古人引離騷未有言經者蓋後世之士祖述其

詞尊之爲經耳非屈原意也逸說非是

故上述唐虞三后之制

下序桀紂羿澆之敗冀君覺悟反於正

道而還己也是時秦昭王使張儀譎詐

懷王令絕齊交又使誘楚請與俱會武

關遂脅一作脇與俱歸拘留不遣卒客死

於秦史記曰屈平既紕其後秦欲伐齊齊與楚從親惠王患之乃令張儀詳去秦厚幣委質事楚詳

與佯同又曰秦昭王與楚媾欲與懷王會屈平曰秦

虎狼之國不可信不如無行懷王卒行入武關秦伏

兵絕其後因留懷王然則使張儀譎其子襄王

詐懷王令絕齊者乃惠王非昭王也史記曰懷王長子

復用讒言遷屈原於江南史記曰懷王長子

蘭使上官大夫短屈原於頃襄王王怒而遷之屈原放在草野草一作山復

作九章援天引聖以自證明終不見省

不忍以清白久居濁世遂赴汨淵自沈

而死

前漢地理志長沙有羅縣荊州記曰縣北帶汨水水源出豫章艾縣界西流注湘公湘西北去

縣三十里名爲屈潭屈原自沈處汨音覓

離騷之文依詩取興引

類譬諭故善鳥香草以配忠貞惡禽臭

物以比讒佞靈脩美人以媲於君

媲配也匹詣切

宓妃佚女以譬賢臣虬龍鸞鳳以託君

子飄風雲霓

飄一作飈

以爲小人其詞溫而

雅其義皎而朗

一作明

凡百君子莫不慕

其清高嘉其文采哀其不遇而愍其志

焉

愍一作閔魏文帝典論云優游按衍屈原尚之窮

侈極妙相如之長也然原據託譬喻其意周旋綽有餘度長卿子雲不能及宋子京云離騷為詞賦之祖後人為之如至方不能加矩至圓不能過規矣

帝高陽之苗裔兮

德合天地稱帝苗裔也裔末

帝繫曰顓頊娶于騰隍氏女而生老僮是為楚先其後熊繹事周成王封為楚子居于丹陽周幽王時生若敖奄征南海北至江漢其孫武王求尊爵於周周不與遂僭號稱王始都於郢是時生子瑕受屈為客卿因以為氏屈原自道本與君共祖俱出顓頊肩末之子孫是恩深而義厚也補曰皇甫謐曰高陽都帝之今東郡濮陽是也張晏曰高陽所興之地名也劉子玄史通云作者自敘其流出於中古離騷經首章上陳氏族下列祖考先述厥生次顯名字自敘發跡實基於此降及司馬相如始以自敘為傳至馬遷楊雄班固自敘之

篇實煩於代

朕皇考曰伯庸

朕我也皇美也父死稱考詩曰

既右烈考伯庸字也屈原言我父伯庸體有美德以忠輔楚世有令名以及於己補曰蔡邕云朕我也古者上下共之咎繇與帝舜言稱朕屈原曰朕皇考至秦獨以為尊稱漢遂因之唐五臣注文選云古人質與君同稱朕又以伯庸為屈原父名攝提貞于皆非也原為人子忍斥其父名乎

孟陬兮

太歲在寅曰攝提格孟始也貞正也于於也正月為陬補曰並出爾雅陬側鳩切

惟庚寅吾以降

庚寅日也降下也孝經曰故親生之膝下寅為陽正故男始生

而立於寅庚為陰正故女始生而立於庚言己以太歲在寅正月始春庚寅之日下母之體而生得陰陽之正中也補曰天問云皆歸歟鞠而無害厥躬何后益作革而禹播降九歎云赴江湘之湍流兮順波湊而下降徐徘徊於山阿兮飄風來之匈匈降乎攻切下也見集韻說文曰元氣起於子男左行三十女右行二十俱立於巳為夫婦裏姪於巳巳為子十月而生男起巳至寅女起巳至申故男年始寅女年始申

也淮南子注同**皇覽揆余初度兮**皇皇考也覽觀也揆度也初始也覽一作

鑒一本余下有于字五臣云**肇錫余以嘉名**肇始

也錫賜也嘉善也言父伯庸觀我始生年時度其日月皆合天地之正中故賜我以美善之名也**名**

余曰正則兮正平也則法也**字余曰靈均**靈神也均

平可法則者莫過於天養物均調者莫神於地高平曰原故父伯庸名我為平以法天字我為原以法地

言已上能安君下能養民也禮曰子生三月父親名之既冠而字之名所以正形體定心意也字者所以

崇仁義序長幼也夫人非名不榮非字不彰故子生父思善應而名字之以表其德觀其志也五臣云靈

善也均亦平也言能正法則善平理補曰史記屈原名平文選以平為字誤矣正則以釋名平之義靈均

以釋字原之義名有五屈原以德命也禮記曰三月之末父執子之右手咳而名之又曰既冠以字之成

人之道也士冠禮云賓字之曰昭告爾
字爰字孔嘉字雖朋友之職亦父命也
紛吾既有

此內美兮

紛盛貌五臣曰內美謂忠貞

又重之以脩能

遠脩

也言己之生內含天地之美氣又重有絕遠之能與
眾異也言謀足以安社稷智足以解國患威能制強
禦仁能懷遠人也補曰重儲用切再也非輕重之重
能本獸名熊屬故有絕人之才者謂之能此讀若耐
韻叶
扈江離與辟芷兮
扈被也楚人名被為扈江離芷皆香草名辟幽

也芷幽而香文選離作離五臣云扈披也補曰扈音
戶左傳云九扈為九農正扈民無淫者也扈止也江
離說者不同說文曰江離靡蕪然司馬相如賦云被
以江離糝以薜蘿乃二物也本草薜蘿一名江離江
離非薜蘿也猶杜若一名杜蘅杜蘅非杜若也薜蘿
見九歌郭璞云江離似水薺張勃云江離出海水中
正青似亂髮郭恭義云赤葉未知孰是辟匹亦切白
芷一名白芷生下澤春生葉相對婆婆紫色楚人謂

之紉秋蘭以爲佩紉索也蘭香草也秋而芳佩

佩芳德仁明者佩王能解結者佩鴈能決疑者佩玦

故孔子無所不佩也言已脩身清潔乃取江離辟芷

以爲衣被紉索秋蘭以爲佩飾博采眾善以自約束

也補曰紉女鄰切方言曰續楚謂之紉說文云縋繩

也古者男女皆佩容臭臭香物也又曰佩帨蒞蘭則

蘭芷之類古人皆以爲佩也相如賦云蕙圃衡蘭顏

師古云蘭卽今澤蘭也本草注云蘭草澤蘭二物同

名蘭草一名水香李云都梁是也水經云零陵郡都

梁縣西小山上有渟水其中悉生蘭草綠葉紫莖澤

蘭如薄荷微香荆湘嶺南人家多種之此與蘭草大

抵相類但蘭草生水傍葉光潤尖長有歧陰小紫花

紅白色而香五六月盛而澤蘭生水澤中及下溼地

苗高二三尺葉尖微有毛不光潤方莖紫節七月八

月開花帶紫白色此爲異耳詩云土與女方秉蘭兮

陸機云蘭卽蘭也其莖葉似藥草澤蘭廣而長節節

中亦高四五尺漢諸池苑及許昌宮中皆種之文選

云秋蘭被涯注云秋蘭香草生水邊秋時盛也荀子
云蘭生深林本草亦云一種山蘭生山側似劉寄奴
葉無桎不對生花心微黃赤楚詞有秋蘭春蘭石蘭
王逸皆曰香草不分別也近時劉次莊樂府集云離
騷曰紉秋蘭以爲佩又曰秋蘭兮青青綠葉兮紫莖
今沅澧所生花在春則黃在秋則紫然而春黃不若
秋紫之芬馥也由是知屈原眞所謂多識草木鳥獸
而能盡究其所以情狀者歟黃魯直蘭說云蘭生深
山叢薄之中不爲無人而不芳含香體潔平居與蕭
艾同生而不殊清風過之其香藹然在室滿室在堂
滿堂所謂含章以時發者也然蘭蕙之才德不同蘭
似君子蕙似士夫槩山林中十蕙而一蘭也離騷曰
子既滋蘭之九畹又樹蕙之百畝招菟光風轉蕙泛
崇蘭以是知楚人賤蕙而貴蘭矣蘭蕙叢出蒔以沙
石則茂沃以湯茗則芳是所同也至其發華一幹一
華而香有餘者蘭一幹五七華而香不足者蕙也蕙
雖不若蘭其視椒檄則遠矣汨余若將不及兮
其言蘭蕙如此當俟博物者